

CARTA CUAYIIVI YEⁿ'E SAN JUAN

Yeⁿ'e nduudu cuaacu ní yeⁿ'ē vaadī neⁿ'e

¹ 'Úú Juan chi saⁿ'ā chi ngaⁿ'a ntiiⁿ'nyun yeⁿ'e yaācū idinguúⁿ yeⁿ'ē n'daataá chí Ndyuūs ndεενε yā ndúúcū daiya yā chi cuaacu níiⁿ'nyúⁿ neⁿ'é. Ní nguée 'úú dámaáⁿ neⁿ'é ti 'tiicá ntúúⁿ nducyáácá yā chi n'diichí yā nduudu cuaacu. ² Ní cáávā chi vée vaadī cuaacu yeⁿ'e yú ní caavā nduudu cuaacu chi canée ndúúcu yú, 'áámá cūnee tandíí ndúúcu yú. ³ Neⁿ'é chi canée ndúúcū ndís'tiī vaadī n'dai yeⁿ'é Ndyuūs ndúúcū vaadī ya'ai 'iinu yeⁿ'e yā ndúúcū 'diiⁿ yeⁿ'e Dendyuūs chiida yú ndúúcū Señor Jesucristo chí daiya Dendyuūs chi chiida yú. Tanducuén'ē chuū canée ndúúcu nī ndúúcū nduudu cuaacu ndúúcū vaadī neⁿ'ē.

⁴ 'Āā 'áámá yeenú caati chí nindaācá daiya di chí diíⁿ yā chiiⁿ chi cuaacu tan'dúúcā s'uuúⁿ chi sta'a yú ley yeⁿ'ē chiida yú. ⁵ Maaⁿ ní idi'cuítú n'diī n'daataā chí dinéⁿ'e yú 'áámá yú táámá yú. Chuū nguée tan'dúúcā chi idinguúⁿ 'áámá ley ngaī caati ley yeⁿ'ē yú chíiⁿ chí canee ndíí cuaaⁿ vmnaaⁿ. ⁶ Níicú chuū chí vaadī neⁿ'e ní chiiⁿ chi cachiica yú tan'dúúcā chi caaⁿ'maⁿ ley yeⁿ'e yā. Ley yeⁿ'e yā ní chuū chí cachiicá nī ndúúcū vaadī neⁿ'e tan'dúúcā chí n'giindiveeⁿ nī ndíí cuaaⁿ vmnaaⁿ.

'Tī'yāⁿ chi nginnche'éei yā 'iiⁿ'yāⁿ

⁷ N'dee n'dái 'iiⁿ'yāⁿ 'āā nginnche'éei yā 'iiⁿ'yāⁿ na iⁿ'yeeⁿdí 'cūū. Nguée natumiⁿ'núⁿ yā chí Jesucristo

ní ndaá yā tan'dúúcā s'uuúⁿ. 'Iiⁿyāⁿ chi 'tíicā nginnche'éí yā, 'tiicá ntúūⁿ anticristo yā. ⁸ Cundéε nī cuidado yeⁿ'ē maáⁿ nī ní nguée dindai yú tandu-cuéⁿ'ē ntiinⁿyuⁿ chi diiⁿ yú ti s'uuúⁿ ní cuuvi cuta'a yú tanducuéⁿ'ē chi yeⁿ'e yú.

⁹ Du'ū chí diiⁿ nuuⁿndi ní nguée 'áámá canée yā ndúúcū nduudu cuaacu yeⁿ'e Cristo, nguée yeⁿ'e Dendyuūs 'iiⁿyāⁿ. Du'ū chí 'aama canée ndúúcū nduudu cuaacu yeⁿ'ē Cristo, tuu'mí 'iiⁿyāⁿ miiⁿ ní yeⁿ'e chiida yú Dendyuūs ndúúcū daiyá yā. ¹⁰ Du'ū chí ndaa vaacú nī chí nguée ngaⁿ'a nduudu cuaacú 'cūū nguée 'cuaáⁿ nī chí cunée yā na vaacú nī. Ní nguée caaⁿ'maⁿ nī, n'daacā chí ndaá yā va'āi yeⁿ'e nī. ¹¹ Du'ú 'iiⁿyāⁿ chí ngaⁿ'á yā 'iiⁿyāⁿ miiⁿ chí n'daacā chí ndaá yā va'āi yeⁿ'e yā tuu'mi ní induuvidáámá yā ndúúcū 'iiⁿyāⁿ chí idiiⁿ chí nguée n'daacā.

Ch'iīnu carta maaⁿ

¹² 'Áámá véé cá yeⁿ'é chí neⁿ'é dingúúⁿ yeⁿ'e ndís'tiī ní nguée neⁿ'é dingúúⁿ na caaca 'cūū ndúúcū tinta, caati neⁿ'é chí n'diichí ndís'tiī ní caaⁿ'máⁿ ndúúcū nī ní ndís'tiī nduucú. Níicú vaadi yeenú yeⁿ'e yú ní cúúví cuaacu.

¹³ Véé daiya tá yeⁿ'ē n'daataá chí Ndyuūs indεεvé yā táⁿ'ā. Daiya tá idicho'ó yā: N'dai n'diī, ngaⁿ'a yā. 'Tíicā cuuvi.

**Nduudu n'dai ye^{n'}e Ndyuūs ye^{n'}e cuicateco
ye^{n'}e Tepeuxila
New Testament in Cuicatec, Tepeuxila
(MX:cux:Cuicatec, Tepeuxila)**

copyright © 1974 Wycliffe Bible Translators, Inc.

Language: Cuicatec, Tepeuxila

Translation by: Wycliffe Bible Translators, Inc.

Cuicateco, Tepeuxila [cux], Mexico

Copyright Information

© 1974, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuicatec, Tepeuxila

© 1974, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022

28b090dc-326e-56c7-994e-5d3354d1d54f